

হ্যারিংটন হিল প্রাইমারি স্কুলকে 'ওয়ান' থেকে 'টু ফর্মস অফ এন্ট্রি'-তে পরিবর্ধন করা, এবং হ্যারিংটন হিল প্রাইমারি স্কুলের স্টুডেন্ট বডি (শিক্ষার্থীদের সংগঠন)-এর সঙ্গে ওল্ডহিল কমিউনিটি স্কুলকে হ্যারিংটন হিল স্কুলের স্থানে মিলিত (একত্রিত) করা নিয়ে আলোচনা।

সাধারণ বর্ণনা

হ্যারিংটন হিল প্রাইমারি স্কুলকে 'টু ফর্মস অফ এন্ট্রি'-তে (প্রতি বর্ষের গ্রুপে 2-টি ক্লাস) পরিবর্ধন করার প্রস্তাবের বিষয়ে আমরা আপনার সঙ্গে পরামর্শ করছি। এই প্রস্তাবটি ওল্ডহিল কমিউনিটি স্কুলটিকে 2025 সালের 31শে অগাস্ট তারিখে বন্ধ করার প্রস্তাবটির সঙ্গে যুক্ত আছে। মিলিতভাবে দু'টি প্রস্তাবের অর্থ হল স্কুল দু'টিকে একত্রিত করা যাবে। ওল্ডহিলের সমস্ত শিক্ষার্থীদের পরিবর্ধিত হ্যারিংটন হিল স্কুলে ভর্তি হওয়ার প্রস্তাব দেওয়া হবে। হ্যারিংটন হিল তার বর্তমান স্থানেই থাকবে।

আইন অনুযায়ী আমাদের যে প্রক্রিয়ার অনুসরণ করতে হবে তার জন্য আলোচনা করা হল প্রথম পর্যায়। কাউন্সিলের ক্যাবিনেটের চূড়ান্ত সিদ্ধান্তের উপরে নির্ভর করে সম্ভবত ওল্ডহিল বন্ধ করা হবে এবং হ্যারিংটন হিল পরিবর্ধিত করা হবে, যাতে ওল্ডহিলের শিক্ষার্থীদের সেখানে ভর্তি করা যায়। ওল্ডহিলের জন্য আমরা বিকল্প আরেকটি প্রস্তাব নিয়েও আলোচনা করছি, সেটি হল অন্য কোনও স্কুলের সঙ্গে একত্রিত না করেই এই স্কুলটিকে বন্ধ করে দেওয়া।

সাম্প্রতিক বছরগুলিতে হ্যাকনি এবং লন্ডনের অনেক এলাকায় প্রাইমারি স্কুলে যাওয়ার মতো শিশুদের সংখ্যা কমে গিয়েছে। এর কারণ হিসাবে মনে করা হচ্ছে জন্ম-হার কমে যাওয়া, পরিবারগুলির জন্য সাশ্রয়ী আবাসন কম থাকা এবং ব্রেক্সিট ও সাম্প্রতিক অতিমারী। শিশুদের সংখ্যা কমে যাওয়ার ফলে স্কুলগুলিতে আসন উদ্বৃত্ত হয়েছে এবং কেন্দ্রীয় সরকার থেকে অর্থায়নও কমে গিয়েছে, যার ফলে আমাদের স্কুলগুলি কঠিন সমস্যার সম্মুখীন হয়েছে।

2014 সালে হ্যাকনির প্রাইমারি স্কুলগুলিতে 2846-টি শিশু পড়াশোনা শুরু করেছিল। 2024 সালের মে মাস নাগাদ এই সংখ্যাটি কমে গিয়ে রিসেপশনে 2203-টি শিশুতে এসে দাঁড়িয়েছে – অর্থাৎ সংখ্যাটি 23% কমে গিয়েছে। এর ফলে রিসেপশন 577-টি আসন খালি থেকে গিয়েছে (মে 2024) – এই সংখ্যাটি হল 19-টি খালি ক্লাসের সমতুল।

স্কুলের রোলে থাকা প্রতিটি শিশুর জন্য স্কুলগুলি সরকার থেকে অর্থ পায়। স্কুলে প্রতিটি খালি আসনের জন্য বার্ষিক ব্যয় হল £6,000। হ্যাকনির প্রাইমারি স্কুলগুলিতে খালি আসন বাড়তে থাকার ফলে স্কুলগুলির উপরে আর্থিক চাপ পড়ছে। অর্থায়ন কমে যাওয়ার ফলে অনেক স্কুলই কার্যকরভাবে পরিচালনা করা যাচ্ছে না অথবা পাঠ্যক্রম বহির্ভূত ভ্রমণ, আফটার স্কুল ক্লাব এবং শিশুদের জন্য টুর্নামেন্টের মতো সমৃদ্ধকরণ কার্যক্রম করা যাচ্ছে না। যে স্কুলগুলি টিকে থাকতে পারছে না তাদেরকে কাউন্সিল আর্থিক সহায়তা দিতে পারছে না, ফলে তাদের কঠিন সিদ্ধান্ত নিতে হচ্ছে যাতে আমাদের স্কুলগুলি ভবিষ্যতের জন্য উপযুক্ত থাকে এবং উচ্চ মানের শিক্ষা দিতে পারে, যার জন্য হ্যাকনির সুনাম আছে।

গত শিক্ষাবর্ষে (2023/24) চারটি প্রাইমারি স্কুল বন্ধ করে দেওয়ার মতো কঠিন সিদ্ধান্ত আমাদের নিতে হয়েছিল। 2024 সালের জুলাই মাসে সেগুলি বন্ধ হয়ে গিয়েছিল। এই সিদ্ধান্ত

আমাদের নিতে হয়েছিল কারণ সেই স্কুলগুলিকে চালু রাখার মতো শিশুর সংখ্যা ছিল না, ফলে স্কুলগুলি আর আর্থিকভাবে টিকে থাকতে পারছিল না। এই সিদ্ধান্ত নেওয়া কখনই সহজ নয়। কিন্তু, সমস্ত শিশুদের স্বার্থ বিবেচনা করে এবং হ্যাকনিতে একটি সুদৃঢ় শিক্ষা ব্যবস্থা তৈরি করার জন্য আমরা এই সিদ্ধান্ত নিতে বাধ্য হয়েছিলাম। লন্ডনের অন্যান্য কাউন্সিলগুলিও একই সমস্যার মুখোমুখি হচ্ছে এবং তারাও স্কুল বন্ধ করে অন্য আরেকটির সঙ্গে একত্রিত করার মতো কঠিন সিদ্ধান্ত নিচ্ছে।

দুর্ভাগ্যবশত, হ্যাকনিতে যদিও আগেও স্কুল বন্ধ করা হয়েছে, তবুও এখনও শিশুদের সংখ্যার তুলনায় উল্লেখযোগ্য বেশি সংখ্যায় আসন স্কুলগুলিতে রয়ে গিয়েছে। হ্যাকনির রিসেপশন ক্লাসগুলিতে যেখানে 2125 সংখ্যক শিশু ভর্তি আছে (17/9/2024), কিন্তু সেখানে মোট 2675 সংখ্যক আসন আছে। এর অর্থ হল এই সেপ্টেম্বর মাসে (2024) 550-টি অতিরিক্ত আসন (21%) রয়ে গিয়েছে, যার ফলে স্কুলগুলির অর্থায়ন পাওয়ার সমস্যা হচ্ছে।

কেন আমরা আপনার সঙ্গে আলোচনা করছি?

আমাদের লক্ষ্য হল দৃঢ় একটি স্কুল শিক্ষা ব্যবস্থা তৈরি করা, যেখানে সব শিশুই আরও বেশি এবং সমৃদ্ধ শিক্ষার সুযোগ পায়। এটি শুধুমাত্র তখনই সম্ভব হবে যখন স্কুলগুলি তাদের প্ল্যানড অ্যাডমিশন নাম্বারের পরিকল্পিত ভর্তির সংখ্যা (PAN) মধ্যে যত বেশি সংখ্যক শিশুকে ভর্তি করতে পারবে এবং তার ফলে তাদের প্রাপ্ত অর্থায়ন সর্বাধিক করতে পারবে। দুঃখের বিষয় হল যে হ্যাকনির কয়েকটি স্কুলে উপস্থিত থাকা শিশুদের সংখ্যা এতোই কম যে তার ফলে তাদের আর্থিক ঘাটতি থাকে, যা কাউন্সিল বজায় রাখতে পারে না।

ওল্ডহিল কমিউনিটি স্কুলে এটি হয়েছে, এবং এখন আমরা স্কুলটির বিকল্পগুলি নিয়ে আলোচনা করছি, যার মধ্যে আছে এই স্কুলটিকে হ্যারিংটন হিল প্রাইমারি স্কুলের সঙ্গে একত্রিত করে দেওয়া। আপনি bit.ly/school-proposal-consultation-এ গিয়ে এই প্রস্তাবটির বিষয়ে পড়তে পারেন।

আমরা এই প্রস্তাবটির সম্বন্ধে আপনার মতামত জানতে চাইছি:

- হ্যারিংটন হিল প্রাইমারি স্কুলটিকে (Mount Pleasant Lane, E5 9JG) 'ওয়ান' থেকে 'টু ফর্মস অফ এন্ড্রি'-তে পরিবর্তিত করে ওল্ড হিল কমিউনিটি স্কুলের (Oldhill Street, N16 6LR) সঙ্গে একত্রিত করা।

এই প্রস্তাবটি নিয়ে অগ্রসর হলে কী হবে?

ওল্ড হিল কমিউনিটি স্কুলটি বন্ধ হয়ে যাবে এবং এর শিক্ষার্থীদের হ্যারিংটন হিল প্রাইমারি স্কুলে ভর্তি হওয়ার প্রস্তাব দেওয়া হবে।

হ্যারিংটন হিল পরিবর্তিত হয়ে 'টু ফর্মস অফ এন্ড্রি' হয়ে যাবে, অর্থাৎ, প্রতি বর্ষের গ্রুপে দু'টি ক্লাস থাকবে এবং প্রতি বর্ষে 60 জন পর্যন্ত শিক্ষার্থী থাকতে পারবে।

যদি সম্মত হওয়া যায়, তাহলে 2025 সালের 31শে অগাস্ট তারিখে এটি হবে। শিশু, তাদের পিতা-মাতা/পরিচর্যাকারী, কর্মীবৃন্দ এবং স্থানীয় কমিউনিটির কাছে স্কুলটির পরিবর্তনের তাৎপর্য কী তা আরও ভালভাবে বোঝার জন্য আপনার মতামত এবং প্রস্তাব আমাদের সাহায্য করবে এবং আমরা আপনার ভাবনা বা অন্য কোনও বিকল্পকে স্বাগত জানাই।

হ্যারিংটন হিল প্রাইমারি স্কুল

হ্যারিংটন হিল স্কুল একটি 'ওয়ান ফর্ম এন্ড্রি' স্কুল। অফস্টেড 2023 সালে এই স্কুলটিকে 'ভাল' হিসেবে উল্লেখ করেছিল। গত বছরে রিসেপশনে স্কুলটির মোট সম্ভাব্য আসন সংখ্যা 30-টি থাকলেও মাত্র 20 জন শিক্ষার্থী ভর্তি হয়েছিল, 1 নং সারণী 1 দ্রষ্টব্য।

1 নং সারণী – রিসেপশন রোল নম্বর 2023/25 (মে মাসের শুমারি)

PAN (রিসেপশন)	ভর্তি শিক্ষার্থীদের (রিসেপশন)	হওয়া সংখ্যা	উদ্বৃত্ত আসন সংখ্যা	PAN-এর % উদ্বৃত্ত সংখ্যা
30	20		10	33%

17/9/2024 তারিখে রিসেপশন ক্লাসে 22-টি শিশু ভর্তি ছিল।

হ্যারিংটন হিল প্রাইমারি স্কুলের জন্য আমরা কেন পরিবর্ধন এবং একত্রিত করার প্রস্তাব দিচ্ছি?

হ্যারিংটন হিলকে 'টু ফর্মস অফ এন্ড্রি'-তে পরিবর্ধন করে ওল্ডহিল কমিউনিটি স্কুলের সঙ্গে একত্রিত করলে আর্থিকভাবে দৃঢ় একটি স্কুল তৈরি হবে, যেটি শিক্ষার্থীদের ও স্থানীয় কমিউনিটিকে আরও ভালভাবে সেবা করতে পারবে। এতে আরও বেশি সংখ্যক শিক্ষক-শিক্ষিকা নিয়োগ করা যাবে, বেশি পরিমাণে শিক্ষার সামগ্রী পাওয়া যাবে এবং স্কুল ট্রিপ, প্রাতরাশ ও আফটার-স্কুল ক্লাবের মতো অতিরিক্ত ক্রিয়াকলাপে সহায়তা করা যাবে।

হ্যারিংটন হিল এবং ওল্ডহিল স্কুল দুটি খুবই কাছাকাছি অবস্থিত, একটির থেকে আরেকটির দূরত্ব 1000 মিটারেরও কম, হাঁটাপথে 15 মিনিট মাত্র। একত্রিত করার পরে হ্যারিংটন হিলের জায়গাটির ব্যবহার করলে সেখানে শিক্ষার্থীদের সামগ্রিক সংখ্যা বেড়ে যাবে এবং সেখানে ওল্ডহিলের শিক্ষার্থীরাও ভর্তি হতে পারবে।

শিশুদের জন্য এর তাৎপর্য কী হবে?

হ্যারিংটন হিলে বর্তমানে যে শিক্ষার্থীরা আছে তারা এই স্কুলটিতে পড়াশোনা করতে থাকবে। 2025 সালের 1লা সেপ্টেম্বর তারিখে ওল্ডহিলের শিক্ষার্থীরা স্বয়ংক্রিয়ভাবে হ্যারিংটন হিলে স্থানান্তরিত হয়ে যাবে (যদি তাদের পিতা-মাতা/পরিচর্যাকারীরা তাদের অন্য কোনও স্কুলে ভর্তি না করতে চান)। সুতরাং, নতুন এবং আরও বড় একটি স্কুলে সমস্ত শিক্ষার্থীরা অনেক বেশি সংস্থান ও সুযোগ পাবে।

আমরা জানি যে এই একত্রিতকরণ হচ্ছে এটি বোঝা এবং মেনে নেওয়া কোনও কোনও শিশুর পক্ষে কঠিন হতে পারে। তাই যদি এই পরিবর্তনগুলি শুরু হয় তখন তাদের সবচেয়ে ভালভাবে সহায়তা করার উপায় নির্ধারণ করার জন্য আমরা পিতা-মাতা/পরিচর্যাকারী এবং স্কুলের কর্মীদের সঙ্গে ঘনিষ্ঠভাবে কাজ করব। যে বিকল্পগুলি বিবেচনা করা হচ্ছে সে সম্পর্কে শিশুদের বক্তব্য আমরা শুনতে চাই। তাই তাদের চিন্তা ও মতামত জানার জন্য আমরা স্কুলের কাছে সহায়তার জন্য অনুরোধ করব।

কাউন্সিল পরিকল্পনা করেছে যে তারা স্কুলের পরিচালকদের সঙ্গে ঘনিষ্ঠভাবে কাজ করবে যাতে প্রত্যেকটি শিশুর অনুভূতিগুলি যথাযথভাবে বিবেচনা করা নিশ্চিত হয়। এতে শিশুদের জন্য স্কুল পরিবর্তন করা যতদূর সম্ভব মসৃণ ও ইতিবাচক হবে, নতুন বন্ধু পাওয়ার সুযোগ

থাকবে এবং বিভিন্ন ক্রিয়াকলাপের প্রতি নজর দেওয়া যাবে। আমাদের লক্ষ্য হল একটি সুদৃঢ় ও প্রাণবন্ত স্কুল তৈরি করা, যেখানে সব শিশুই মনে করবে যে তাদের সহায়তা করা হচ্ছে এবং তারা স্বাগত বোধ করবে।

ওল্ডহিলের শিশুদের জন্য বিকল্প সংস্থানের সুবিধার (অন্টারনেটিভ রিসোর্স প্রভিশন, ARP) তাৎপর্য কী?

ওল্ডহিল কমিউনিটি স্কুলে একটি ARP আছে, এটি হল অর্টিজম স্পেকট্রাম কন্ডিশন (ASC) সম্পন্ন 10 জন শিক্ষার্থীর জন্য বিশেষ একটি ব্যবস্থা। ওল্ডহিল বন্ধ হয়ে গেলে ARP-ও বন্ধ হয়ে যাবে। হ্যারিংটন হিলের সঙ্গে ওল্ডহিলের একত্রিত করার প্রস্তাবটির যদি অগ্রগতি হয়, তাহলে ARP নিয়ে পৃথক একটি আলোচনা করা হবে। আমাদের লক্ষ্য হবে ARP-কে হ্যারিংটন হিলে স্থানান্তরিত করা, যাতে যে শিক্ষার্থীরা বর্তমানে এতে যোগ দিয়েছে তারা এর সঙ্গেই স্থানান্তরিত হতে পারবে।

আমার সন্তানের আরও বড় একটি স্কুলে যাওয়ার তাৎপর্য কী হবে?

আমরা জানি যে একটি ভিন্ন এবং বড় স্কুলে যাওয়া কঠিন হতে পারে, বিশেষত যে শিশুরা একটি ছোট পরিবেশের সঙ্গে পরিচিত থাকে। যদিও নতুন স্কুলটিকে আপনার সন্তানের(দের) অন্য রকমের মনে হতে পারে, তবে আমরা নিশ্চিত করব যাতে তারা উপযুক্ত সহায়তা পেয়ে দ্রুত স্থিতিশীল হতে পারে।

ভর্তি হওয়ার প্রক্রিয়া কাজ করবে কীভাবে?

2025 সালের সেপ্টেম্বর মাস থেকে হ্যারিংটন হিল প্রাইমারি স্কুলের রিসেপশনে প্রতি বছর 60-টি শিশু ভর্তি হতে পারবে। অন্যান্য সব বর্ষের গ্রুপে (1ম বর্ষ থেকে 6ষ্ঠ বর্ষ পর্যন্ত) প্রতি বর্ষের গ্রুপে 60-টি আসন থাকবে।

2025 সালের 1লা সেপ্টেম্বর তারিখে ওল্ডহিলের সমস্ত শিক্ষার্থীরা স্বয়ংক্রিয়ভাবে হ্যারিংটন হিলে স্থানান্তরিত হয়ে যাবে এবং মাউন্ট প্লেজেন্ট লেন (E5 9JG)-এ হ্যারিংটন হিলের স্থানে 2025/26 শিক্ষাবর্ষটি শুরু করবে। স্কুলগুলিকে একত্রিত করার সময়সীমা নিচে দেওয়া 'টাইমলাইন' নামে সারণীতে দেওয়া হয়েছে।

কর্মীবৃন্দ ও হেডটিচারের জন্য এর তাৎপর্য কী হবে?

হ্যারিংটন হিলের পরিবর্ধনের ফলে হ্যারিংটন হিলের কর্মীবৃন্দ ও হেড অফ স্কুলের কর্মসংস্থানের উপর কোনও প্রভাব পড়বে না। ওল্ডহিল স্কুলের শিক্ষার্থীদের সঙ্গে একত্রিত করা হলে আমরা হ্যারিংটন হিলের পরিচালনাকারী টিমের সঙ্গে কাজ করে কর্মীদের উপরে এর সম্পূর্ণ অভিঘাতের মূল্যায়ন করব। কর্মীবৃন্দ, ট্রেড ইউনিয়ন এবং প্রাসঙ্গিক অন্যান্যদের সঙ্গে সম্ভাব্য কোনও পরিবর্তন নিয়ে আলোচনা করা হবে।

স্কুলের ভবনের(গুলির) কোনও পরিবর্তন করা হবে কি?

ওল্ডহিল কমিউনিটি স্কুলের সমস্ত শিক্ষার্থী এবং যারা ARP-এ উপস্থিত থাকছে সবাইয়ের জন্য হ্যারিংটন হিল স্কুলের জায়গাটি যথেষ্ট বড়। ওল্ডহিলের সঙ্গে একত্রিত করার কাজটির যদি অগ্রগতি হয়, তাহলে কাউন্সিল হ্যারিংটন হিলের জায়গাটিকে মূল্যায়ন করে দেখবে যে পরিবর্ধিত স্কুলটির জন্য সেখানে কোনও পরিবর্তন করতে হবে কিনা।

ওল্ডহিল কমিউনিটি স্কুলটি যদি বন্ধ হয়ে যায়, তাহলে ওল্ডহিলের চিলড্রেন'স সেন্টারটি একই জায়গায় থাকবে এবং সেটি হ্যারিংটন হিল, অন্য কোনও স্কুল অথবা কাউন্সিলের পরিচালনার মধ্যে থাকবে। ওল্ডহিল চিলড্রেন সেন্টারের জন্য প্রস্তাবগুলি, 4 বছর বয়সীদের জন্য

আসনগুলি পর্যায়ক্রমে কমিয়ে দেওয়ার জন্য বছরের শুরুতে করা আলোচনা সাপেক্ষে অগ্রসর হবে না। এর অর্থ হল 0-5 বছর বয়সী শিশুদেরকে ওল্ডহিল চিলড্রেন'স সেন্টার আসন দিতে থাকবে।

এরপরে কী হবে?

হ্যারিংটন হিল প্রাইমারি স্কুল পরিবর্ধন করার প্রস্তাবের বিষয়ে জনসাধারণের সঙ্গে ছয় সপ্তাহ ব্যাপী আলোচনার অংশ হল এই নিবন্ধটি। সংযুক্ত থাকা একটি প্রস্তাবে ওল্ডহিল কমিউনিটি স্কুলের ভবিষ্যৎ নিয়ে দু'টি বিকল্প নির্ধারণ করে পৃথকভাবে আলোচনা করা হচ্ছে। 2024 সালের 8ই অক্টোবর তারিখে আলোচনাটি শুরু হয়েছে এবং এটি শেষ হবে 2024 সালের 19শে সেপ্টেম্বর তারিখের 5pm-এর সময়।

এই আলোচনায় আপনি বিভিন্ন উপায়ে প্রতিক্রিয়া জানাতে পারেন। এই উপায়গুলি এই নিবন্ধের শেষে উল্লেখ করা হয়েছে।

আইনের কারণে প্রস্তাবগুলি প্রকাশ করার প্রয়োজন হবে কিনা সে বিষয়ে সিদ্ধান্ত নেওয়ার আগে এই আলোচনাটি চলার সময়ে প্রাপ্ত সমস্ত মতামত কাউন্সিল বিবেচনা করবে। প্রস্তাবগুলি যদি প্রকাশ করা হয়, তাহলে মন্তব্য করার জন্য আরও সময় দেওয়া হবে, যাকে 'রিপ্রেজেন্টেশন পিরিয়ড (পুনরায় উপস্থাপনার সময়কাল) বলা হবে। এর জন্য 28 দিন সময় থাকবে। পরে অন্য কোনও সময়ে হ্যাকনির কাউন্সিল একটি চূড়ান্ত সিদ্ধান্ত গ্রহণ করবে। নিচের সারণীতে এই প্রস্তাবের সময়কাল দেখানো হয়েছে (তারিখগুলি পরিবর্তন সাপেক্ষে)।

সময়সীমা

তারিখ	ঘটনা
8 অক্টোবর - 19 নভেম্বর 2024	অনানুষ্ঠানিক আলোচনা পিতা-মাতা/পরিচর্যাকারীদের মিটিংগুলির তারিখ এবং অতিরিক্ত যোগাযোগের সুযোগগুলির তারিখ হ্যারিংটন হিল স্কুল পৃথকভাবে নিশ্চিত করবে। শিশু, তাদের পিতা-মাতা/পরিচর্যাকারী, কর্মীবৃন্দ এবং স্থানীয় কমিউনিটির কাছে স্কুলটির তাৎপর্য কী তা আরও ভালভাবে বোঝার জন্য আপনার মতামত এবং প্রস্তাব আমাদের সাহায্য করবে।
জানুয়ারি 2025	অনানুষ্ঠানিক আলোচনার ফলাফলগুলি হ্যাকনি কাউন্সিল বিবেচনা করছে। হ্যারিংটন হিল এবং ওল্ডহিল প্রাইমারি স্কুল দু'টি একত্রিত করার বিষয়ে সংবিধিবদ্ধ কোনও বিজ্ঞপ্তি প্রকাশ করা হবে কিনা সে বিষয়ে সিদ্ধান্ত নেওয়া হয়েছে।
ফেব্রুয়ারি - মার্চ 2025	একটি 4-সপ্তাহের রিপ্রেজেন্টেশন পিরিয়ডের জন্য একটি সংবিধিবদ্ধ বিজ্ঞপ্তি প্রকাশ করা হয়েছে।

তারিখ	ঘটনা
এপ্রিল 2025	রিপ্রেজেন্টেশন পিরিয়ডের ফলাফল এবং যেকোনো আপত্তি কাউন্সিল বিবেচনা করছে, এবং একত্রিত করার প্রস্তাব প্রসঙ্গে একটি চূড়ান্ত সিদ্ধান্ত গৃহীত হয়েছে।
সামার টার্ম 2025	প্রস্তাবটি যদি অনুমোদিত হয়, তাহলে স্কুল একত্রিত করার ব্যবস্থা করা হবে (ক্যাবিনেটের সিদ্ধান্ত সাপেক্ষে)।
31 আগস্ট 2025	ওল্ডহিল কমিউনিটি স্কুল আনুষ্ঠানিকভাবে বন্ধ হচ্ছে।
01 সেপ্টেম্বর 2025	হ্যারিংটন হিল 1লা সেপ্টেম্বর 2025 তারিখে ওল্ডহিলের সাথে একত্রিত হবে।

আমি আরও তথ্য কীভাবে পেতে পারি?

এই প্রস্তাবগুলির বিষয়ে জানার জন্য আপনি হ্যাকনি এডুকেশনের ওয়েবসাইট <http://bit.ly/school-proposals> দেখতে পারেন

এই আলোচনায় আমি কীভাবে মতামত জানাতে পারি?

এই প্রস্তাবের প্রসঙ্গে আপনি নিচে উল্লেখ করা উপায়ে আপনার মতামত জানাতে পারেন:

- এই আলোচনার নথির সঙ্গে সংযুক্ত থাকা রেসপন্স ফর্মটি পূরণ করতে পারেন, অথবা
- অনলাইনে bit.ly/school-proposal-consultation লিঙ্কটিতে ক্লিক করতে পারেন,
- অথবা consultation.hackney.gov.uk ওয়েবসাইটে যেতে পারেন।

আপনি যদি কাগজে মুদ্রিত রেসপন্স ফর্ম পূরণ করেন, তাহলে অনুগ্রহ করে ফর্মটিকে হ্যারিংটন হিল প্রাইমারি স্কুলের অফিসে জমা দিন, অথবা ডাক মারফত এখানে পাঠান:

হ্যাকনি কাউন্সিল
এডুকেশন সার্ভিসেস
স্কুল প্লেস প্ল্যানিং
Hackney Service Centre, 3rd Floor
1 Hillman Street
London, E8 1DY

মতামত ও পরামর্শ জানানোর শেষ তারিখ হল 2024 সালের 19শে নভেম্বর, বেলা 5pm।

এই প্রস্তাব সম্পর্কে আপনার যদি কোনও জিজ্ঞাস্য থাকে তাহলে অনুগ্রহ করে এখানে ইমেইল করুন school.sufficiency@hackney.gov.uk

এই নথিটি যদি আপনার অন্য কোনও ফর্মাটে (বিন্যাসে) প্রয়োজন হয়, তাহলে অনুগ্রহ করে আমাদের সঙ্গে যোগাযোগ করুন, আমরা পরবর্তী পাঁচটি কাজের দিনের মধ্যে আপনার সঙ্গে যোগাযোগ করব।

অ্যাক্সেসিবিলিটির বিবৃতি: আপনার যদি এই নথিটি একটি ভিন্ন বিন্যাসে প্রয়োজন হয়, তাহলে অনুগ্রহ করে ইমেইল করুন এই ঠিকানায় - school.sufficiency@hackney.gov.uk

আমরা আপনার অনুরোধ বিবেচনা করে দেখব এবং আগামী পাঁচটি কর্মদিবসের মধ্যে আমরা আপনার সঙ্গে যোগাযোগ করব।

If you would like to find out what this document says please tick the appropriate box, put your name, address and phone number at the bottom of this page and return it to the address below.

- এই দলিলে কি লেখা আছে সে সম্পর্কে যদি আপনি জানতে চান তাহলে অনুগ্রহ করে উপযুক্ত বাক্সে টিক দিন, এই পাতার নীচে আপনার নাম, ঠিকানা ও ফোন নম্বর লিখুন এবং এটি নীচের ঠিকানায় ফেরত পাঠান। (Bengali)
- 如果你想知道這分文件的詳細內容，請在方框內打鉤，在本頁下面寫下你的名字、地址和電話號碼並寄到下面的地址。(Chinese)
- Si vous désirez connaître le contenu de ce document, veuillez cocher la case appropriée et indiquer votre nom, adresse et numéro de téléphone au bas de cette page et la renvoyer à l'adresse indiquée ci-dessous. (French)
- Ger hun dixwazin bizanibin ku ev dokument çî dibêje, ji kerema xwe qutika minasib îşaret bikin, nav, navnîşan û hejmara telefona xwe li jêrê rûpel binivîsin û wê ji navnîşana jêrîn re bişînin. (Kurdish)
- Jeśli chcesz dowiedzieć się, jaka jest treść tego dokumentu, zaznacz odpowiednie pole, wpisz swoje nazwisko, adres i nr telefonu w dolnej części niniejszej strony i przeslij na poniższy adres. (Polish)
- Haddii aad jeclaan lahayd in aad ogaato waxa dokumeentigan sheegayo fadlan calaamadi godka ku haboon, ku qor magacaaga, cinwaanka iyo telefoon lambarkaaga boggan dhankiisa hoose ka dibna ku celi cinwaanka hoose. (Somali)
- Si desea saber de lo que trata este documento, marque la casilla correspondiente, escriba su nombre, dirección y número de teléfono al final de esta página y envíela a la siguiente dirección. (Spanish)
- Bu dökümanda ne anlatıldığını öğrenmek istiyorsanız, lütfen uygun kutuyu işaretleyerek, adınızı, adresinizi ve telefon numaranızı bu sayfanın alt kısmına yazıp, aşağıdaki adrese gönderin. (Turkish)
- (Urdu) اگر آپ یہ جاننا چاہتے ہیں کہ دستاویز میں کیا لکھا ہے تو ازراہ کرم مناسب باکس میں صحیح کا نشان لگائے اور اپنا نام، پتہ اور فون نمبر اس صفحہ کے نیچے لکھیں اور اسے نیچے دئے گئے پتہ پر واپس بھیج دیجئے۔
- Nếu bạn muốn biết tài liệu này nói gì hãy đánh dấu vào hộp thích hợp, điền tên, địa chỉ và số điện thoại của bạn vào cuối trang này và gửi lại theo địa chỉ dưới đây. (Vietnamese)
- אויב ווילט איר וויסן דער דאָקומענט זאגט, ביטע טיק די פאסטיגע קעסטל, שרייב דיין נאָמען, אַדרעס און טעלעפאָן נומער און שיק עס צוריק צו די אַדרעס אונטן. (Yiddish)

If you would like this document in any of the following formats or in another language not listed above, please complete and send the form to the address below. In large print In Braille On disk On audio tape

In another language, please state: _____

Name: _____

Address: _____

Telephone: _____

Return to: Freepost, LBH
Consultation Team, Hackney Town
Hall, Mare Street, London, E8 1EA